



Ministry of Civil Affairs

Broj: 14-16-3-22-10/20

Datum: 26.01.2021. godine

Na osnovu člana 69. stav 2. tačka e) i člana 70. Zakona o javnim nabavkama BiH (Službeni glasnik broj 39/14), ministrica civilnih poslova Bosne i Hercegovine donosi:

ODLUKU
o poništenju postupka nabavke

I

Poništava se postupak javne nabavke usluga uvoza, skladištenja i transporta LOT 3 koji je proveden u skladu sa postupkom dodjele ugovora o uslugama iz Aneksa II. Dio B Zakona o javnim nabavkama BiH.

II

Ova odluka će se dostaviti ponuđačima u roku od 3 (tri) dana, a najkasnije u roku od 7 (sedam) dana od dana donošenja.

III

Ova odluka stupa na snagu danom donošenja.

OBRAZLOŽENJE

Na osnovu provedenog postupka nabavke, Komisija za nabavke je konstatovala je da je rok za dostavu ponuda 21.01.2021. godine do 10:00 sati, te da su do navedenog roka na protokol Ministarstva civilnih poslova Bosne i Hercegovine (u daljem tekstu: Ministarstvo) pristigle 2 ponude za LOT 3 i to ponuđača: Unifarm d.o.o. i Phoenix Pharma d.o.o.. Neblagovremenih ponuda nije bilo.

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila da je ponuđač Phoenix Pharma d.o.o. dostavio ponudu koja nije prihvatljiva iz razloga što Obrazac za cijenu ponude-Prilog 2. nije popunjen i ovjeren od strane ponuđača.

Ponuđač Unifarm d.o.o. dostavio ponudu u kojoj je cijena za usluge transporta po kilometru iskazana u iznosu od 334,48 KM bez PDV-a. S obzirom da je za LOT 3 predviđena cijena od 30.000 KM bez PDV-a, te da će se prevoz vršiti u cijeloj BiH, jasno je da je cijena jedine prihvatljive ponude znatno veća od osiguranih sredstava za predmetnu nabavku.

Komisija je predložila donošenje odluke o poništenju postupka nabavke, u skladu sa članom 69. stav 2. tačka e) Zakona o javnim nabavkama BiH za LOT 3 iz razloga što je cijena jedine prihvatljive ponude znatno veća od osiguranih sredstava za predmetnu nabavku.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana prijema ove odluke. Žalilac izjavljuje žalbu Uredu za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri, kako bi mogla biti uručena kvalificiranom kandidatu ili izabranom ponuđaču, kao i drugim strankama u postupku.



Dostaviti:

Dostaviti:

1. *Ponuđačima - elektronski*
2. *Web stranica Ministarstva – na objavu*
3. *a/a*